

Na osnovu člana 96. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13), a u vezi sa Odlukom Senata, broj: IUS-SENAT 11-2343/2014, Internacionalni univerzitet u Sarajevu (u daljem tekstu: IUS), raspisuje:

K O N K U R S
za izbor u naučnonastavna zvanja
na Internacionalnom univerzitetu u Sarajevu

Izbor kandidata (akademskog osoblja) vršit će se u naučnonastavna zvanja za sljedeće naučne oblasti:

FAKULTET PRIRODNIH I TEHNIČKIH NAUKA

<i>Redni broj</i>	<i>Naučna oblast</i>	<i>Nastavnik (docent, vanredni profesor, redovni profesor)</i>
1.	Računarske nauke *	1
2.	Elektrotehnika **	1

* U okviru izbora na naučnu oblast “Računarske nauke”, prednost imaju kandidati sa značajnim naučnim i praktičnim rezultatima u polju hardverskog deskriptivnog jezika za vrlo brza integrisana kola (VHDL) i modeliranju i simulaciji hardvera i mikroelektronike

** U okviru izbora na naučnu oblast “Elektrotehnika”, prednost imaju kandidati sa internacionalnim akademskim iskustvom i značajnim naučnim rezultatima u oblasti upravljanja kompleksnim dinamičkim sistemima i primjenama

Uslovi: Kandidati za izbor u naučnonastavna zvanja, pored općih uslova propisanih Zakonom o radu, minimalnih uslova za izbor u naučnonastavna zvanja propisanih članovima 89. i 90. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13) i općim aktima IUS-a, trebaju vladati engleskim jezikom u pismu i govoru.

Sa kandidatima koji budu izabrani u akademska zvanja, IUS zaključuje ugovor na period za koji su izabrani u zvanje, uz probni rad u trajanju od šest mjeseci. Za vrijeme probnog rada kandidat se obavezno evaluira od strane matičnog odsjeka odnosno fakulteta. Negativna ocjena kandidata u toku probnog rada smatra se raskidnim uvjetom u pogledu važenja ugovora o radu.

Kandidati strani državljanjani zaključuju ugovor o radu na određeno vrijeme, u skladu sa odredbama *Zakona o zapošljavanju stanaca*.

Kandidati uz prijavu na konkurs obavezno prilažu slijedeće:

1. Biografiju / Curriculum Vitae sa bibliografijom;
2. Diplomom ili uvjerenje o diplomiranju o stečenom odgovarajućem stepenu obrazovanja u relevantnoj naučnoj oblasti;
3. Rješenje o priznavanju diplome ili potvrda da je pokrenut proces priznavanja diplome (za kandidate koji su diplomu stekli u inostranstvu) ***;
4. Objavljene naučne radove, uz naznaku publikacija u kojoj su radovi objavljeni i relevantne baze podataka u kojoj su radovi citirani odnosno uz potvrdu o pozitivnoj recenziji najmanje dva recenzenta;
5. Objavljene knjige relevantne za izbor u akademsko zvanje;
6. Dokaze o ispunjavanju uvjeta za izbor u naučnonastavno zvanje za koje se prijavljuju;
7. Dokaz o prethodnom izboru u akademsko zvanje (ukoliko je izvršen izbor);
8. Odluka o imenovanju za mentora kod izrade doktorskih disertacija i magistarskih radova, odnosno drugi odgovarajući dokument kojim se dokazuje uspješno mentorstvo;

9. Potvrdu visokoškolske ustanove o uspješnom izvođenju nastave na engleskom jeziku (za kandidate koji su ranije samostalno izvodili nastavu) ili dokaz o poznavanju engleskog jezika****;
10. Uvjerenje o državljanstvu (ne starije od 6 mjeseci) za kandidate koji su državljani Bosne i Hercegovine, odnosno ovjerenu kopiju prve stranice pasoša za kandidate koji nisu državljani Bosne i Hercegovine.

*** Izabrani kandidat obavezan je dostaviti rješenje o priznavanju diplome prije zaključenja ugovora o radu odnosno prije predaje zahtjeva za izdavanje radne dozvole.

**** Nije potrebno za kandidate kojima je engleski jezik maternji, odnosno koji su stekli diplomu na visokoškolskim ustanovama na kojima se nastava odvija na engleskom jeziku.

Dokumenti se dostavljaju u originalu ili ovjerenoj kopiji originala.

Iznimno, ukoliko kandidat iz opravdanih i lično naznačenih razloga priloži samo kopije potrebnih dokumenata, dokumentacija će se uvjetno prihvatiti uz obavezu kandidata da originale ili ovjerene kopije originala dokumenta dostavi najkasnije do datuma donošenja odluke o izboru odnosno zaključenja ugovora o radu.

U suprotnom, procedura izbora će se rješenjem Senata poništiti.

Kandidati su obavezni u prijavi naznačiti jedno od zvanja za koje se prijavljuju, u suprotnom takva prijava će se smatrati neurednom i neće biti razmatrana.

Kandidat koji nije ranije sudjelovao u realizaciji nastavnog procesa u visokoškolskoj ustanovi obavezan je da pred studentima i Komisijom za pripremanje prijedloga za izbor u zvanja održi pristupno predavanje iz naučne oblasti za koju je konkurisao.

Konkurs ostaje otvoren osam dana od dana objavljivanja.

Prijave sa potrebnim dokumentima sa naznakom „PRIJAVA ZA KONKURS ZA IZBOR U AKADEMSKA ZVANJA, NE OTVARAJ - OTVARA KOMISIJA“, te naznakom fakulteta i naučne oblasti za koju se kandidat prijavljuje dostaviti lično ili preporučenom poštom u zatvorenoj koverti na adresu: Internacionalni univerzitet u Sarajevu, Hrasnička cesta 15, 71 210 Ilidža, Sarajevo.

Nepotpune i neblagovremene prijave se neće uzimati u razmatranje.

Konkursna dokumentacija se neće vraćati.

REKTOR

Prof. Dr. Yücel Oğurlu